



## **BASES DO III CONCURSO DE DEBUXO PARA CENTROS ESCOLARES "XOSÉ ANTÓN G. GONZÁLEZ-LEDO. DEBUXANDO O NOSO PATRIMONIO"**

O Instituto de Estudios Gallegos Padre Sarmiento (IEGPS), centro mixto do Consejo Superior de Investigaciones Científicas (CSIC) e da Xunta de Galicia, convoca o III Concurso de debuxo para centros escolares "Xosé Antón G. González-Ledo. Debuxando o noso patrimonio", enmarcado na Semana da Ciencia e a Tecnoloxía que se celebrará durante o mes de novembro de 2022.

A organización concede a modo de homenaxe o nome do certame ao recoñecido artista galego Xosé Antón G. González-Ledo (1949-2015), gran debuxante arqueolóxico e estudoso de Galicia.

### **TEMA DO CONCURSO**

O obxectivo do concurso é fomentar e involucrar os máis pequenos no interese polo respecto, coidado e divulgación do patrimonio histórico-artístico galego a través da súa expresión plástica. Para iso, os participantes deberán debuxar ou ilustrar un elemento que forme parte dun monumento que teña valor histórico, arqueolóxico ou similar (igrexas, parques, esculturas, pazos, escudos...) da cidade de Santiago de Compostela, declarada en 1985 Patrimonio Cultural da humanidade pola UNESCO.

### **BASES COMÚNS**

#### **1. Participantes**

Diríxese ao público escolar de educación primaria e secundaria e establécense 5 categorías segundo o nivel que se estea cursando:

- Cursos: 1º - 2º de primaria.
- Cursos: 3º - 4º de primaria.
- Cursos: 5º - 6º de primaria.
- Cursos: 1º - 2º da ESO.
- Cursos: 3º - 4º da ESO.

## 2. Técnica e realización do debuxo

A técnica será totalmente libre, podéndose utilizar todo tipo de materiais (lapis de cores, acuarelas, ceras, témperas, etc.. O debuxo deberá facerse nun soporte plano rectangular branco en formato DIN A4, horizontal ou vertical, e admitirase un único debuxo por participante.

Cada traballo debe acompañarse dun título e non figurará o nome nin a firma da persoa participante. Non se admitirán debuxos asinados.

Os traballos que se presenten serán inéditos e non poderán ter sido premiados noutros certames ou concursos.

## 3. Inscripción e prazo de entrega

Os debuxos serán enviados polo Centro ao correo electrónico [divulgacion@iegps.csic.es](mailto:divulgacion@iegps.csic.es) tras a súa dixitalización. Farase un único envío por cada unha das categorías establecidas.

Os debuxos dixitalizados deberán ir numerados e acompañados dun ficheiro independente no que figurará, a modo de plica, unha relación dos participantes (co número do seu debuxo) que envían a súa proposta nesa categoría cos seguintes datos:

- Nome da autora/autor, idade, curso e título do debuxo correspondente.

Excluíranse do concurso os debuxos que non inclúan todos estes datos, así como aqueles cuxo tema non sexa o sinalado nas presentes bases.

O prazo de presentación estará aberto desde o 2 ao 9 de novembro do 2022.

## 4. Xurado

Estará composto por tres membros que serán designados pola comisión organizadora. A decisión do xurado será por maioría de votos e inapelable.

Ningún dos membros do xurado poderá ter vínculo familiar cos concursantes.

O xurado terá en conta a calidade artística e a orixinalidade da obra.

O fallo comunicárase ao centro educativo.

## 5. Premio

Haberá un premio consistente nun lote de libros de divulgación científica adaptados ao nivel de Primaria ou Secundaria para cada unha das categorías.

Os premios entregaranse durante os actos conmemorativos da Semana da Ciencia e a Tecnoloxía nun acto público que se notificará ás persoas gañadoras e que se desenvolverá tendo en conta a situación sanitaria do momento.

Os traballos realizados serán cedidos á organización do concurso para a súa exposición en paneis e/ou medios audiovisuais.

## 6. Dereitos de propiedade intelectual

A participación neste concurso implica a cesión gratuíta ao CSIC da posibilidade de reproducir ou distribuír os debuxos premiados a revistas, xornais, ou outros medios de difusión para as súas actividades de divulgación no ámbito nacional e internacional.

## 7. Aceptación das bases

O feito de participar no concurso “Xosé Antón G. González-Ledo. Debuxando o noso patrimonio” supón a plena aceptación das bases da convocatoria e a conformidade total coas decisións que tomen tanto o xurado como a organización.

O incumprimento dos requisitos incluídos nestas bases invalidará a presentación no concurso.